

G 'S ann ris an tràigh as fheàrr dhut sgrùdadh a dhèanamh air a' chladach, gu h-àraidh aig reothart. Ach tha am muir a' tighinn a-steach gu math aithghearr aig na h-amannan sin agus feuch nach glac e thu.

*reothart
muir làn*

Tòisich ag obair cho luath agus tha am muir cho ìosal 's a bhitheas e agus obraich dìreach suas an cladach mar a tha e a' lionadh. 'S e bann-sgrùdaidh a th' air an-seo agus seallaidh e dhut mar a tha beathaichean agus feamainn ag atharrachadh. Mar as fhaide shuas a tha iad air a' chladach 's ann as fhaide a bhitheas iad a-mach às a' mhuir nuair a tha tràigh ann. Tha feadhainn a' fuireach gu math fada shuas air a' chladach ann an lòn às nach bi an sàl a' falbh uair sam bith.

Feuch an aithnich thu gach roinn leis an fheamainn eadar-dhealaichte. Dèanaibh notaichean agus dealbh de na beathaichean agus an fheamainn a lorgas sibh anns gach roinn. Feuch an lorg sibh sligean falaamh airson an toirt air ais don chlasrum. Coimheadaibh anns na lòn agus fo chlachan ach feuch gun cuir sibh air ais iad mus cuir sibh dragh air càil.

Feuch an lorg sibh iad seo:—
crosgag, crùbag, bàirneach, conachag, giodhran, feusgan, cìoch na mnathasithe, clomhag-chaothaich mhòr, carran creige.

*conntaigh
muir làn*

*conntaigh
muir traghaid*

*reothart
muir traghaid*

cladach àrd

cladach ìosal